

Safnastofnun Austurlands.

Vegna jarðvegssýna frá Miðhúsum.

Sýni 1 og 2 eru tekin á þeim stað þar sem silfrið fannst.

Það fannst þar sem þétt moldarlag tekur við af malaruppfyllingu. Uppfyllingin er um 40 cm. djúp. Efsta lag moldarinnar er blandað möl en neðar er hún óhreyfð. Alls er moldarlagið um 30 cm. þykkt og undir því urð.

Silfrið hefur verið á 50-60 cm. dýpi frá yfirborði eins og það var áður en hreyft var við því um 1980.

Sýni 3 er tekið úr skurði sem gerður var til að staðsetja steinaröðina sem beina-sallinn er frá. Edda Björnsdóttir upplýsti svo að steinarnir hefðu verið þar sem nú er hellulögð stétt, u.þ.b. undir miðri stéttinni að endilöngu. Sýnið er því tekið 2-3 metra frá steinaröðinni. Með því að taka upp hellulögningina má stað-setja steinaröðina, en það var ekki gert nú.

Edda fann steinana sama haust og silfrið fannst en hefur ekki hugað að þeim síðan.

Hús Eddu og Hlyns stendur þar sem áður var aflíðandi hóll. Hæstur var hann þar sem skurðurinn er en lækkaði fram að vegi. Líklega hefur verið jafnaður um 1. meters hæðarmunur þegar grunnur hússins og lóð var gerð um 1980. Silfrið hefur þá verið suðaustantil við háhólinn.

Kargaþýfi var þar sem húsið var reist. Edda er viss um að einhverjar tóttir voru í þýfinu en þær voru ekki athugaðar. Hún telur að þarna hafi getað verið smiðja. Þessar tóttir hafa verið skammt innanvið gamla túngarðinn á Miðhúsum sem enn sést móta fyrir.

Um 100 m. eru frá þessum stað að gamla bæjarstæðinu.

Tóttir sjást nú ekki nálægt þessum stað, en um 100 m. í austur eru óþekktar tóttir, líklega rétt eða einhver áheldi.

Um 150 metrar eru frá þessum stað norður að gömlu götunum sem lágu um Miðhús. Götturnar lágu frá vaði á Eyvindará upp að Miðhúsum og skiptust þar. Lá önnur leiðin til Seyðisfjarðar og hin til suðurs til Reyðarfjarðar. Götturnar sjást vel á gamalli loftmynd.

